

Centar za strategije evropskih integracija

Liberalizacija viznog režima za građane BiH

BiH je napravila značajan napredak u sistemu sigurnosti, kontrole granica, a formirana je i Komisija za reviziju državljanstava, tvrdi CEIS

Centar za strategije evropskih integracija (CEIS) u petak će objaviti izvještaj kojim se potvrđuje da je Bosna i Hercegovina spremna za liberalizaciju viznog režima sa Evropskom unijom i ostatkom svijeta.

Dokument CEIS-a pojavljuje se pred raspravu o liberalizaciji viznog režima sa Balkanom koja će biti vođena koncem mjeseca na sastanku šefova diplomatija zemalja EU u Salzburgu. Očekuje se da će u isto vrijeme povjerenik EU za pravdu i unutarnje poslove **Franko Fratini** iznijeti uvjete za liberalizaciju viznog režima za državljane zapadnog Balkana.

CEIS tvrdi da je država BiH u posljednje vrijeme, uz ostalo, na-

BiH nije utočište terorista

Direktor CEIS-a **Senad Slatina** tvrdi da politički predstavnici BiH moraju iskoristiti svaki susret sa predstavnicima zemalja EU kako bi promovirali novu sliku Bosne i Hercegovine.

Slatina tvrdi da naši političari trebaju tako više iznositi uporedne podatke DGS o ilegalnim migracijama prije pet godina i danas, ukazati na činjenicu da je BiH potpisala ugovore o readmisiji sa većinom zemalja koje su cilj ilegalnih imigranata, te isticati da BiH ima dobar sistem za arhiviranje i izdavanje viza.

Tvrdnje da je BiH utočište terorista najbolje demantira posljednji slučaj sa hapšenjem petorice osumnjičenih za terorizam. Slatina naime upozorava da su federalna policija i obavještajna zajednica u BiH postupili na isti način na koji bi to uradile i njihove kolege u Njemačkoj, Britaniji..., nakon što bi saznali za namjere jedne grupe.

Ove, ali i sve dosadašnje statistike pokazuju da nema osnova za tvrdnju da su vlasti BiH bilo kada pokušale osigurati utočište za svjetske teroriste.



Bh. građani u redu za vize

Neravnopravni Bošnjaci

Na koncu, u izvještaju EU upozorava se na činjenicu da bi Bošnjaci u slučaju produžetka viznog režima sa BiH, mogli biti diskriminirani u odnosu na ostala dva naroda. Građani BiH s hrvatskim putovnicama ne trebaju vize, a uskoro bi se moglo desiti i da bh. Srbi preko Beograda i dvojnog državljanstva ostvare iste privilegije.

pravila značajan napredak u sistemu sigurnosti, kontrole granica, a formirana je i Komisija za reviziju državljanstava koja ima mandat da opozove sporna državljanstva i nalaže hitne deportacije osoba. Iako sve ovo govori da je BiH kvalifikovan kandidat za uklanjanje viza i jedna od najneprikladnijih saveznica Zapada u

borbi protiv terorizma, nastavlja se sa pretjerivanjima o islamističkoj opasnosti koja dolazi iz BiH.

Činjenica da je BiH nakon rata bila fleksibilna u davanju državljanstva sumnjivim osobama iz Sjeverne Afrike i sa Bliskog istoka, i dalje dominira u raspravama o ukidanju viza, navodi se u izvještaju CEIS-a i upu-

ćuje na to da je odgovor "riješite se Arapa" najčešća reakcija na zahtjev BiH za liberalizaciju putovanja njenih građana.

Često se navodi da BiH još pruža utočište potencijalno opasnim ljudima porijeklom sa Bliskog istoka, koji su tu došli tokom rata i odlučili da trajno ostanu. Iako je to možda bilo tačno nakon rata, ne postoje argumenti koji danas potvrđuju takvu pretpostavku. Uz to CEIS upozorava da je u operacijama protiv navodnih islamskih radikala iz inostranstva BiH bila i previše revnosa ponekad i na štetu akcija protiv optuženih ratnih zločinaca.

Centar za strategije evropskih integracija upućuje i na činjenicu da je u dokazivanju svoje lojalnosti Zapadu BiH čak i gazila vlastite zakone i elementarna prava ljudi, a upozorava se da bi se takvo što moglo ponoviti i kroz rad novouspostavljene Komisije za reviziju državljanstava.

Uprkos neupitnom angažmanu u borbi protiv terorizma, nisu nestale sumnje da je BiH, ipak, previše tolerantna prema potencijalno opasnim stranim islamistima. Neke od ovih sumnji plod su uvrijeđenih predrasuda protiv zemlje sa muslimanskom većinom, zaključuju u CEIS-u i upućuju na to da su i vlasti BiH prilično nevjeste u pokušajima da promoviraju političku orijentiranost BiH prema Zapadu.

Az. KALAMUJIĆ